


未鳳縣志

地 260, 203

34

30:122



來鳳縣志序



施陽故衛所或謂古夜郎地邈難稽之

今上御極之元年初改設畫土疆六屬轄施郡  
而惟來邑距郡最遠東隣南楚西抵巴蜀  
尤為保障要區余自十七年奉

命守此至即索所為郡縣通志始與考在昔而  
證今茲而卒無有蓋人物間生而井疆久

來鳳縣志書

序

一

舊徒致愧於文獻之無徵已比年來亦嘗  
令搜散輯博採遠蒐竊於成郡志一書甫  
脫稿而未謀剞劂在憲前堂所承而旁無  
所証難以明憲例綜終始而昭炯戒乎爾  
丙子冬來令林君乃出其所為縣志稿十  
二卷問余余細閱之其提綱析類援昔據  
今於無可考證之中而未或雜一荒唐之

詞詢不愧

巡憲來公所稱簡括詳明其尤於政治之有  
關民心風俗之大者間記一二以身心用  
意之所存知其與蒲二令暨董司張尉之  
相為諮詢於夜經歷攷究其迺伊朝夕書  
曰同寅協恭又曰思日贊之褒哉即此志  
委一智心以見林令社君之於治道官方

來鳳縣志書

序

二

寅恭襄贊可能相與以有成也蓋施陽亦  
屬新開苗疆昔未有郡邑故未有志于今  
沐浴

聖化漸摩仁恩疆里免正學校旋興在官有循  
績至野邑良民而匹夫匹婦慕義興行何  
地茂有倘仍置之荒煙蔓草中弊滅豈  
存悔後視之猶今視昔之憾亦豈滋於土

者之職貫谷也。是則斯土之志書一事  
視夫中域名區尤宜亟。已余故不禁心  
焉。來邑志盡之本而為之紀。為言於篇首  
云爾。



特授中憲大夫知湖北施南府事加六級紀錄  
十六次。宛平王如珪題於清慎勤堂。

東璧

來鳳縣志書

序

三



來邑昔無志非無志無邑也邑之設昉於  
今上御極之元年前此未改郡縣七司仍隸施  
衛地大不理菁林翳莽村閭星落其自城  
邑宮室原隰闕梁以及興育祀祭官秩食  
貨數大端均屬荒唐

國家重熙累洽疆土式廓乃以衛所改置州  
縣二十年來經理創設漸次就備則今之

來鳳縣志書

序

四

來非昔之所謂散毛臘壁之來也是烏可  
以無志願志記也有紀於前者方可述於  
後抑志志也昔歐文忠公撰五代史大事  
則書意有所示則書後有所因則書所謂  
志是事而意有所取則作者之志不第為  
記事書也余以腐朽經生初蒞來土視事  
方一載見夫五方戾止者較昔奚啻倍蓰

而皆田廬未寧婚配未定禮教未習風土  
情性未宜所以昔之案牘靜簡者而今稍  
稍就繁方慮操刀學割悵無郡紀縣志猶  
國之有史可以歸畫一而借龜鑑左丞觀  
齋蒲公就余商志事余不敢易視是事每  
因公躡勘道途所經輒往復迴環相陰陽  
瞻形勝訪舊蹟考軼事願圖籍無稽者舊

來鳳縣志書

序


五

已沒徵文考獻之無從炊沙難以成飯况  
復書慚半部才遜三長者之何能孩童學  
舞耶蒲公觀齋乃出其所纂稿示余余謂  
此吾儕責也無敢以不敏謝相與可否增  
損搜輯採擇提綱析類達義明例務期無  
者有亡者存廢者續略者覈陋者雅舛者  
正可以勸可以懲可以興可以述歟亦竊

取夫大事則書意有所示後有所因則書  
之遺意云爾憑臆矜情余則何敢願以待  
宦於斯生於斯者後人有志相與發明光  
大前人志也則是志之可大可久永蒙我  
國家億萬年有道之休於茲肇之矣是為序  
賜進士出身

勅授文林郎知來鳳縣事古閩中泉郡林翼池  
來鳳縣志書

警齋氏撰




志者何記也記其天象記其地勢  
記其人事三才之道備矣來邑新闢  
彈丸有天道焉有地道焉有人道  
焉顧安可以不志第志惟其實不  
惟其靈善其善惡其惡不流于私  
曲董狐良史古稱之矣邑乘猶國史  
也寧可歧乎抑又有聞于古人之說  
焉傳者多于傳信善之長而惡之

短孔子曰如有所譽者其有訪試  
矣又曰旣惡而揚善則質直不阿尤  
當以忠厚之意行乎其間洪才乏  
敏達學規淵博何敢妄言紀述祇  
以謬膺邑丞仰觀俯察閱歷年訪  
者昭々不可湮沒者自不容以不文  
泐將爰興 堂臺敬以畹林公採輯  
纂修質焉直焉以書其情實就

其不負厥體而已首星墜次疆域  
 輿圖以至食貨官師儀禮而於其  
 間古蹟政績藝文以次相及名惟疑  
 以傳將善之欲長之志云爾至於  
 科貢人物猶有待也特懸一格以  
 俟來者即譽有珍試之微意也然  
 此第草創焉耳討論修飾尚有藉  
 于博物君子若夫質文繁簡婉美  
 良史是又仰止焉而未遑者也余何  
 敢云謹序

皆

乾隆二十一年歲次丙子夏四月穀旦  
 湖北施南府來鳳縣承古成紀觀  
 高蒲又洪題



來鳳縣志

凡例四則

一來鳳縣舊隸施州從無專志前無可考不敢附會茲按部延訪量載實蹟稍有不能自信之處即缺畧以俟來者泛衍濫引無有也

一府州縣志俱有程式要各就其必不可無者分門別類以示周備非必依樣葫蘆也茲據事條析酌定各志不敢妄為因襲

來鳳縣志書

凡例

九

一山川地名俱依土著開載經書史冊確有可據者即引為証佐其有鄙俚無文亦依舊音改易以歸雅馴外此併仍其舊不敢紛更

一名宦鄉賢祠宇尚缺難列條類惟科貢人物雖未有其人然不可不以此期來者鄉會二試轉瞬即是邑庠廩生行將入齋明經以次揆選而忠孝廉潔又無日不在人性行間也特創義例以待來茲不敢妄有作云

來鳳縣志目錄

古閩泉郡林翼池警齋氏  
甘肅秦州蒲又洪觀齋氏  
全纂輯

卷之一

星野志

星度 分野

卷之二

輿圖志

來鳳縣總圖  
來鳳縣城圖  
武廟圖  
城隍廟圖  
衙署  
文廟圖  
城隍廟圖

來鳳縣志書

目錄

十

卷之三

疆域志

里道 形勢 沿革 土司附 建  
置 山川 古蹟 寺觀 橋梁

卷之四

食貨志

戶口 田賦 積貯 水利 牲產  
工技 風俗附

卷之五

官師志

秩官表

卷之六

學校志

御製訓飭士子文 欽頒刊刻卧碑  
白鹿洞書院揭示 書籍 義學

學田

卷之七

政績志

傳贊

卷之八

軍政志

營房

關隘

鋪兵

津梁

卷之九

儀禮志

慶賀  
壇祭

迎春

鄉飲

救護

廟祭

卷之十

來鳳縣志書

目錄

十一

藝文志

碑記

記

序

頌

贊

箴

詩

卷之十一

選舉志

科貢表

卷之十二

人物志

理學  
烈女

行業

忠臣

孝子

義士

來鳳縣志卷之一

星野志

萬物精華上聚為星在璇璣玉衡以齊七政唐虞之世欽若昊天者此也辨方正位體國經野周禮保章氏以星土辨九州我

皇上御製歷象考成闢數千百年未發之秘歷法于今為烈雖一區一隅其次合舒縮度數初終因地測天皆有成象可考茲以楚省分野稽諸記


來鳳縣志書

星野

十二

載參訂諸史據湖廣通志作星野志

翼 宿 圖



十八度七十七分

史記天官書云翼為羽翮主遠客正義云翼二十星為天樂府又主遠客占明大禮樂興四裔服

晉書天文志云翼星明大禮樂興四裔賓動則蠻裔使來

宋史天文志云東甌五星在翼南蠻裔星也


來鳳縣志書

星野

十三

軫宿圖

十七度



史記天官書云軫為車主風其旁有一小星曰  
長沙星正義云軫四星主冢宰輔臣又主車騎  
亦主風占明大則車騎用長沙一星在軫中主  
壽子孫昌

晉史天文志云軫四星主冢宰輔臣地主車騎  
主載任有軍出入皆占于軫又主風軫星明則  
車駕備動則車駕用轄星附軫兩旁主王侯左  
轄為王者同姓右轄為異姓

來鳳縣志書

星野

古

宋史天文志云青邱七星在軫東南蠻裔之國  
號守常則吉 軍門二星在青邱西一曰在土  
司空北天子六宮之門主營侯設豹尾旗與軍  
門同占 器府三十二星在軫宿南樂器之府  
也明則八音和君臣平 土司空四星在青邱  
西主界域亦曰司徒均明則天下稼穡豐  
按天官書以經星二十八舍主十二州三統歷  
以十二次配十二野大衍定歲差之法天分度

有餘歲分日不足後世于是有退度積分諸差之推測蓋天度之不齊而地之里數由差楚本鶉尾之次經星翼軫分野太微位焉中星朱鳥南方之宿也緯星主熒惑為火今則合張與翼而居己分軫與角而居辰較大衍之宮度差十五度有奇元史云衡岳北極出地二十五度鄂州北極出地三十一度天文志謂太極垣下星主荆揚天市垣西蕃二星主楚財帛又十二國

來鳳縣志書

星野

十五

十六星在牛女南迄九坎各分土居列國之象魏西一星為楚主占民人微盛又畢宿北五車星東南一星為楚分荊州主占黍粟貴賤稽楚之西北鄖陽七縣故漢中郡古為梁庸商麋諸國是秦楚之隅其星東井與鬼終柳六度按于鶉火從施州上瞿塘以迄忠州諸衛其地跨梁益屬巴郡舊法參七度新法觜四度星蜀而地楚者歟

